

Visoki predstavnik sastao se sa italijanskim ministrom vanjskih poslova Di Maiom



Visoki predstavnik Valentin Inzko sastao se jučer u Sarajevu sa ministrom vanjskih poslova Italije, Luigijem Di Maiom. Visoki predstavnik informirao je italijanskog ministra vanjskih poslova o situaciji i izazovima u vezi sa implementacijom Daytonskog mirovnog sporazuma.

„Napredak u Bosni i Hercegovini je moguć, ali u tu svrhu političko rukovodstvo Bosne i Hercegovine treba pokazati potrebnu političku volju da interese zemlje stavi na prvo mjesto. To zahtijeva promjenu paradigme u načinu vođenja politike u ovoj zemlji. Evropske integracije, jačanje vladavine prava i ekonomski razvoj trebali bi biti u prvom planu napora koje poduzima BiH. Međunarodna zajednica spremna je pomoći kako bi se dostigli evropski standardi“, rekao je visoki predstavnik.

Visoki predstavnik izrazio je zahvalnost ministru vanjskih poslova Di Maiou na kontinuiranoj podršci koju Italija pruža Bosni i Hercegovini, Uredu visokog predstavnika i naporima međunarodne zajednice da pomogne Bosni i Hercegovini da osigura napredak u provođenju reformi.